

VENDIM
Nr. 123, datë 3.3.2021

PËR DISA NDRYSHIME DHE SHITESA NË VENDIMIN NR. 596, DATË 31.8.2016, TË KËSHILLIT TË MINISTRAVE, “PËR SHPRONËSIMIN PËR INTERES PUBLIK TË PRONARËVE TË PASURIVE TË PALUAJTSHME, PRONË PRIVATE, QË PREKEN NGA REALIZIMI I PROJEKTIT ‘REHABILITIMI I RRUGËS ‘XOXI ANDONI’ DHE HAPËSIRAVE RRETH SAJ, FIER”

Në mbështetje të nenit 100 të Kushtetutës, të neneve 5, 20 e 21, të ligjit nr. 8561, datë 22.12.1999, “Për shpronësimet dhe marrjen në përdorim të përkohshëm të pasurisë, pronë private, për interes publik”, të ndryshuar, dhe të ligjit nr. 137/2020, “Për buxhetin e vitit 2021”, të ndryshuar, me propozimin e ministrit të Infrastrukturës dhe Energjisë, Këshilli i Ministrave

VENDOSI:

1. Në vendimin nr. 596, datë 31.8.2016, të Këshillit të Ministrave, bëhen këto ndryshime dhe shitesa:

a) pikat 3 dhe 4 ndryshohen, si më poshtë vijon:

“3. Pronarët e pasurive të paluajtshme, që shpronësohen, të kompensohen në vlerë të plotë, sipas masës përkatëse, që paraqitet në tabelën bashkëlidhur këtij vendimi, për pasuritë sipërfaqe “tokë truall” dhe “ndërtesë”, me një vlerë të përgjithshme të shpronësimit 138 248 315 (njëqind e tridhjetë e tetë milionë e dyqind e dyzet e tetë mijë e treqind e pesëmbëdhjetë) lekë.

4. Vlera e përgjithshme e shpronësimit prej 138 248 315 (njëqind e tridhjetë e tetë milionë e dyqind e dyzet e tetë mijë e treqind e pesëmbëdhjetë) lekë të përballohet:

- 137 500 521 (njëqind e tridhjetë e shtatë milionë e pesëqind mijë e pesëqind e njëzet e një) lekë, nga llogaria “Fondi i shpronësimeve”;

- 747 794 (shtatëqind e dyzet e shtatë mijë e shtatëqind e nëntëdhjetë e katër) lekë, nga buxheti i miratuar për Bashkinë Fier.”;

b) pas tabelës bashkëlidhur vendimit të shtohet tabela, që i bashkëlidhet këtij vendimi.

2. Vlera e shpenzimeve procedurale, prej 50 000 (pesëdhjetë mijë) lekësh, të përballohet nga buxheti i miratuar për Ministrinë e Infrastrukturës dhe Energjisë.

3. Ngarkohen Ministria e Infrastrukturës dhe Energjisë, Agjencia Shtetërore e Kadastrës dhe Bashkia Fier për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

ZËVENDËSKRYEMINISTËR
Erion Braçe

LISTA E VLERËSIMIT TË PASURIVE, PRONË PRIVATE, QË PREKEN NGA REALIZIMI I PROJEKTTIT
 “REHABILITIMI I RRUGËS ‘XOXI ANDONI’ DHE HAPËSIRAVE RRETH SAJ”, SHITESA FIER

Shënim. Çmimi për tokën “truall” është marrë në VKM-në nr. 89, datë 3.2.2016.

Nr.	Emër Mbiemër	Zona kad.	Nr. i pasurisë	Rrethi	Sip. e objektit të banimit (m ²)	Sip. e truallit (m ²)	Çmimi i objektit të banimit (l/m ²)	Çmimi i truallit (l/m ²)	Vlera e ndërtimit (lekë)	Vlera e truallit (lekë)	Vlera totale (lekë)	Konfirmim nga ZVRPP-ja
21	Xhelo Sinan Xhuveli	ZK. 8534	3/205	Fier	—	58	—	12,893.00	—	747.794	747.794	Konfirmuar nga ZVRPP-ja.
VLERA TOTALE E SHPRONËSIMIT											747,794.00	